



Broj: 07-04-04-29326/22
Sarajevo, 16.08.2022. godine

SKUPŠTINA KANTONA SARAJEVO

- ovdje -

Predmet: Odgovor na zastupničku inicijativu Bilsene Šahman, dostavlja se

Zastupnica Bilsena Šahman, na 54. Radnoj sjednici Skupštine Kantona Sarajevo održane dana 27.07.2022. godine u okviru tačke Dnevnog reda „Poslanička/zastupnička pitanja, inicijative i odgovori“, u skladu sa članom 231. stav 1. Poslovnika Skupštine Kantona Sarajevo (“Službene novine Kantona Sarajevo” - Drugi novi prečišćeni tekst - br.: 41/12, 15/13, 47/13, 47/15, 48/16, 9/20, 14/20, 16/22 i 17/22 - Ispravka), uputila je zastupničku inicijativu, koja glasi:

„Radno vrijeme ugostiteljskih objekata je do 23:00 h. Mi smo kanton koji se u najvećoj mjeri oslanja na turizam i da smo prepoznati po gurmanskim specijalitetima, ali ih turisti i građani ne mogu konzumirati nakon 23 h. Posebno u ljetnim mjesecima je neophodno produžiti radno vrijeme.“

Odgovor Ministarstva privrede Kantona Sarajevo:

1. Ministarstvo privrede Kantona Sarajevo smatra da je potrebno podržati ovu inicijativu na ime produženja radnog vremena ugostiteljskih objekata poslije 23:00 sata u periodu trajanja turističke sezone (od 15. juna do 15. septembra) u skladu sa zakonskim mogućnostima, međutim obzirom da se u predmetnoj inicijativi spominju ugostiteljski objekti, naglašavamo da isti obavljaju ugostiteljske usluge prema Zakonu o ugostiteljskoj djelatnosti (“Službene novine Federacije BiH”, br. 32/09), a koji zakon je donesen na nivou Federacije BiH, stoga ovo Ministarstvo smatra da se po predmetnom treba obratiti resornom ministarstvu Federacije BiH tj. Federalnom ministarstvu okoliša i turizma: i

2. Obzirom da je članom 11. Zakona o ugostiteljskoj djelatnosti definisano da - radno vrijeme i raspored dnevnog i sedmičnog radnog vremena u ugostiteljskim objektima, radno vrijeme u dane državnih praznika i neradnih dana u kojima je ugostitelj dužan poslovati utvrđuje nadležni organ, a da je članom 4. stav 4. Zakona o ugostiteljskoj djelatnosti definisano da je nadležni organ općinski organ uprave, odnosno gradski organ uprave nadležan za poslove ugostiteljstva, ovo Ministarstvo smatra da se po navedenom, treba obratiti nadležnom organu.

S poštovanjem,

Dostaviti:

1. Naslovu,
2. Vlada Kantona Sarajevo,
3. Evidencija,
4. Arhiva.

